

A-2089



黃連 二兩  
黃柏 三兩

右五味。以水六升。煮取三升。溫服一升。

日三服。

按本卷增方五計。  
二百七十二字。

古本傷寒雜病論序

嘗聞故族兄月秋言。傷寒論。濟世之書也。  
宜讀之。余以志不在醫。雖留意未之鑽研。  
辛未春。共匪既平。流亡將復。而雨暘失序。  
寒燠不時。懼荒歉之後。疾疫之賊。吾民也。  
感求預防之策。得古本傷寒雜病論。蓋劉

崑湘先生之所藏也。先生得之異人。授於  
劉仲邁君。秘之枕中久矣。乃請於仲邁。出  
之。則全書十六卷。加於常本三之二。展而  
讀之。亦得其解。如聘醫顧問焉。然後嘆為  
古今壽世奇書。轉惜其出之之晚。且徵故  
族兄月秋之言為足取耳。軍政餘暇。輒寫

數頁。積久既竣。將付印。乃為之言。曰。傷寒

論之為經。歷二千年。註者甚衆。從無所謂

古本者。突出而余信之。非偶然也。其文古

而雋。其義精而約。其法周而密。其用藥立

方。純一而不雜。信非後人所能增減矣。且

孔門心法。今有傳人。道家秘錄。今得正解。

天將啟萬古之秘鑰。以仁壽斯民也。是書  
之出。不亦宜乎。民國二十一年壬申春月

醴陵何鍵芸樵序。



古本傷寒雜病論序

古本傷寒雜病論者。蓋今之壁經。而長沙之舊文也。同邑宗人崑湘先生。初受書於隱君子張老。以轉授余。其後十餘年。一日。崑湘示張老寄余書云。且來約以時相見。因偕崑湘如期造謁。遂得受教於逆旅中。

自是數年。時往來於洞。連湘水之間。請益  
析疑。章梳白櫛。尋波討源。結轡盡解。一日。  
忽將別去。涕泣請留。不得。殷勤付囑。命詮  
次師傳。滙崑湘昔所尊聞者。成義疏。以演  
論旨。曰。此真長沙舊文也。道之將廢。塵封  
至今。人能宏道。匪道宏人。復為贈言之歌。



曰。千歲以胥。我傳子疏。聖作明述。吾友吾  
徒。遂不復見。嗚呼。其乘願之大士乎。其長  
沙之後身乎。斯道之不亡。亦云幸矣。崑湘  
年已垂老。每督余成書。以傳強學。余懼夫  
勤焉而力不至。且欲待。既竭吾才。乃誦所  
聞。以公諸世。今者醴陵何公。有意乎斯道。

之傳。發願創長沙國醫學院。以成中興絕  
學之業。復以政暇。手寫論文。印行流布。囑  
為導言釋論例。以供海內明達研討之助  
余惟古聖立言。例隨文見。論文十六卷。首  
脈法。以示診要。次序例。明運氣方宜。立傷  
寒傳經正治之法。次則暑濕燥熱溫瘧霍

亂。各有專篇。次乃演六經本病壞病。以究  
病變。喻活法一貫之旨。終之以可與不可  
用。示醫律。其書統百病之綱。詳奇經之治。  
以平脈辨症。見病知源。為宗。通其旨者。無  
不可舉一法以概諸凡。散萬殊而約於一。  
成國醫診斷之學。以詒萬世。尤以脈學最

為詳審。發軒歧不傳之奧。將欲稍釋論例。以暢厥旨。非萬言不足約其綱要。以汗青之速也。爰為略述緣起。以紀壁經授受之由。世或以法言之象論語。太玄之擬周易為類。盍究夫醫之為道。真理實效。即事可驗。豈同談天雕龍。堅白異同之說。可以意

騁其辭哉。真偽之辨。好學深思之士。當自得之。太歲在玄默。涖灘孟陬之月。瀏陽劉

瑞融仲邁序於天潛閣



古本傷寒雜病論序

余自少體弱多病為父母所偏  
憐讀書浸其意所好不設程限  
性喜汎覽不以疲困自休既弱  
冠得岐黃扁張之書尤篤好之  
每苦其奇奧難通解於人者

誦及四聖之言者無不就而問也  
於書者涉及四聖之言者無不  
求而觀也先母之喪以求葬地  
漫遊江西於山谷中遇一人曰張  
老皓髯而丹顏道然類有道者  
即與傾談遂及醫術質以平

生疑滯應口疏通余大駭服  
張老六深喜余精審善問且  
曰吾樂山林不與人接久矣家  
有古本傷寒雜病論與公所  
傳異長沙舊文也目前無可  
授者今以授君與君邂逅亦



前緣也余謹受而讀之乃知  
今本訛脫錯亂注者紛々教  
十家而其理愈晦亦何怪其  
然哉余得此書鑽研益勤其  
於病也猶執規矩以御方圓不  
眩於心矣而未嘗輒以示人々